

**KERATAN AKHBAR-AKHBAR TEMPATAN**  
**TARIKH: 5 JULAI 2014 (SABTU)**

<b>Bil</b>	<b>Tajuk</b>	<b>Akhbar</b>
1	Sabariah KSU baharu ganti Dr. Noorul	Utusan Malaysia
2	2 TKSU kementerian dilantik KSU	Harian Metro
3	Kadar pertumbuhan PKS perlu dipertingkat: Najib	Berita Harian
4	Najib umum empat lagi HIP tingkatkan kadar pertumbuhan PKS kepada 9.3 peratus	Bernamea.com
5	Don: Manage water efficiently	New Straits Times
6	'Set up research hub to avoid overlapping studies'	New Straits Times
7	Expert: Act now to avert water crisis	New Straits Times
8	Cadangan tubuh Pusat Sains Air	Berita Harian
9	Penubuhan ICSC Petronas – Yayasan Sabah Komitment pulihara Alam Sekitar - Musa	Bernamea.com
10	Gambar: SIRIM	Berita Harian

**KERATAN AKHBAR**  
**UTUSAN MALAYSIA (DALAM NEGERI) : MUKA SURAT 3**  
**TARIKH : 5 JULAI 2014 (SABTU)**

**Sabariah KSU  
baharu ganti  
Dr. Noorul**

KUALA LUMPUR 4 Julai  
- Datuk Sabariah Hassan dilantik sebagai Ketua Setiausaha Kementerian Pembangunan Wanita, Keluarga dan Masyarakat yang baharu menggantikan Datuk Seri Dr. Noorul Ainur Mohd. Nur berkuatkuasa Isnin ini.

Noorul Ainur pula bertukar sebagai Ketua Setiausaha Kementerian Sains, Teknologi dan Inovasi menggantikan Datuk Dr. Rosli Mohamed yang memulakan cuti sebelum bersara secara pilihan berkuatkuasa pada tarikh yang sama.

Kementerian Pembangunan Wanita, Keluarga dan Masyarakat dalam satu kenyataannya berkata, pelantikan tersebut berupaya menjana perspektif, pendekatan serta inisiatif baharu dalam menggerakkan kreativiti dan inovasi.

“Kementerian yakin, segala pencapaian sekarang akan diteruskan oleh Sabariah selaras dengan visi kementerian untuk memberi khidmat kepada kumpulan sasar dengan sebaik mungkin,” katanya di sini hari ini.

Sabariah, 57, yang merupakan lulusan Ijazah Sarjana Pengurusan Kesihatan dari Universiti Birmingham, United Kingdom memulakan tugas sebagai penjawat awam pada 1 Disember 1981 selaku Pegawai Tadbir dan Diplomatik (PTD).

Jawatan terakhir beliau sebelum dilantik Ketua Setiausaha ialah sebagai Timbalan Ketua Setiausaha (Operasi) Kementerian Pembangunan Wanita, Keluarga dan Masyarakat yang disandang bermula 20 September 2011.

**KERATAN AKHBAR**  
**HARIAN METRO (SETEMPAT) : MUKA SURAT 44**  
**TARIKH: 5 JULAI 2014 (SABTU)**

## **2 TKSU kementerian dilantik KSU**

**Kuala Lumpur:** Dua Timbalan Ketua Setiausaha (TKSU) kementerian iaitu Datuk Sabariah Hassan dan Datuk Mohd Arif Ab Rahman dilantik sebagai Ketua Setiausaha (KSU) berkuat kuasa Isnin ini.

Ketua Setiausaha Negara Tan Sri Dr Ali Hamsa berkata KSU Kementerian Pembangunan Wanita, Keluarga dan Masyarakat (KPWKM) Datuk Seri Dr Noorul Ainur Mohd Nur pula dipindahkan ke Kementerian Sains, Teknologi dan Inovasi berkuat kuasa pada tarikh yang sama.

Noorul Ainur, 56, menggantikan Datuk Dr Rosli Mohamed yang memulakan cuti sebelum bersara pilihan, katanya dalam ke-

nyataan di sini semalam.

Beliau berkata Sabariah, yang juga Timbalan Ketua Setiausaha (Operasi) KPWKM dilantik sebagai KSU baharu kementerian berkenaan.

Sabariah, 57, lulusan Ijazah Sarjana Sains Sosial dalam bidang Pengurusan Kesihatan dari University of Birmingham, United Kingdom, menggantikan Noorul Ainur.

Sementara Mohd Arif, 57, Timbalan TKSU (Pembangunan) Kementerian Pertanian dan Industri Asas Tani dilantik sebagai KSU kementerian itu menggantikan Datuk Seri Mohd Hashim Abdullah yang memulakan cuti sebelum bersara pilihan. - BERNAMA

# Kadar pertumbuhan PKS perlu dipertingkatkan: Najib

» 4 Program Berimpak Tinggi dilaksana capai KDNK 41 peratus menjelang 2020

Oleh Zanariah Abd Mutalib  
zanariah\_mutalib@bh.com.my

Putrajaya

**K**adar pertumbuhan Perusahaan Kecil dan Sederhana (PKS) perlu ditingkatkan kepada 9.3 peratus setahun berbanding 6.3 peratus sekarang bagi mencapai sasaran Keluaran Dalam Negara Kasar (KDNK) 41 peratus pada tahun 2020.

Perdana Menteri, Datuk Seri Najib Razak, berkata bagi mencapai matlamat itu, empat Program Berimpak Tinggi (HIP) akan dilaksanakan dalam tempoh beberapa tahun secara berperingkat, selain peningkatan produktiviti oleh PKS melalui pembangunan bersifat inovasi dan penggunaan pengetahuan.

Beliau yang juga Menteri Kewangan, berkata program diterajui Kementerian Perdagangan Antarabangsa dan Industri (MITI) serta Perbadanan Perusahaan Kecil dan Sederhana (SME Corp) itu turut mewujudkan tetingkap tunggal untuk PKS membuat pendaftaran, selain memohon lesen perniagaan yang diperlukan.

"Program Pelaburan PKS juga akan ditingkatkan supaya tidak hanya membabitkan penyediaan dana oleh kerajaan, sebaliknya turut menggalakkan sumbangan dana daripada sektor swasta untuk pembangunan PKS. Melalui Program GoEx, kita menggalakkan



Najib pada sidang media selepas mempengerusikan mesyuarat Majlis Pembangunan PKS Kebangsaan di Bangunan Perdana Putra, Putrajaya, semalam. Yang turut hadir Mustapa dan Zeti Akhtar.  
(FOTO MOHD FADLI HAMZAH/BH)

eksport bagi melonjakkan penyertaan PKS di pasaran antarabangsa.

## Bantu syarikat PKS

"Di bawah Program Pemangkin, kita akan kenal pasti dan mempromosi beberapa syarikat PKS setiap tahun yang boleh dibantu dan diberi galakan untuk menjadikan mereka juara tempatan. Kriteria menentukan syarikat PKS yang berpotensi tinggi ini adalah mereka mesti mencapai (peningkatan) jualan tahunan minimum 20 peratus.

"Melalui inisiatif ini, kita dapat capai kadar pertumbuhan lebih tinggi secara keseluruhan," katanya pada sidang media selepas mempengerusikan mesyuarat Majlis Pembangunan PKS Kebangsaan Ke-16 di Perdana Putra, di sini, semalam.

Yang turut hadir Menteri Perdagangan Antarabangsa dan Industri, Datuk Seri Mustapa Mohamed dan Gabenor Bank Negara, Tan Sri Dr Zeti Akhtar Aziz.

Najib berkata, bagi tempoh

antara tahun 2006 hingga tahun 2013, PKS sudah mencatatkan kadar pertumbuhan tahunan 6.3 peratus lebih tinggi daripada pertumbuhan purata ekonomi keseluruhan iaitu sebanyak 4.7 peratus.

Katanya, pada tahun ini kadar pertumbuhan PKS dijangka terus berkembang di antara 5.5 dan 6.5 peratus dan sasaran 9.3 peratus setahun mampu dicapai secepat mungkin melalui inisiatif yang dilaksanakan.

Dalam perkembangan sama, Najib memaklumkan mesyuarat semalam turut bersetuju mengukuhkan tiga model ker-

## FAKTA NOMBOR

# 9.3 peratus

Sasaran kadar pertumbuhan PKS setahun

jasama strategik berkaitan produktiviti dan inovasi sebagai Pusat Sehenti bagi pengkomersialan dan perkhidmatan PKS.

Katanya, kerjasama berkeajaan membabitkan SME Corp dan Perbadanan Pembangunan Teknologi Malaysia (MTDC), Fraunhofer Institute dan SIRIM Berhad serta Steinbeis Institute dan Agensi Inovasi Malaysia.

## Perkukuh peranan PKS

Selain itu, katanya, sebagai Pengerusi ASEAN pada tahun depan, Malaysia akan memberi tumpuan untuk memperkukuhkan peranan PKS di rantau ini bagi menjadikan ASEAN sebagai satu komuniti ekonomi, pasaran tunggal dan asas pengeluaran tunggal.

"Secara purata, antara 95 dan 99 peratus perniagaan di negara ASEAN bersifat PKS, justeru amat penting untuk kita menghubungkan mereka (syarikat PKS) antara satu sama lain supaya berpeluang menjadikan ASEAN pasaran mereka," katanya.

